

當陽縣志卷之五

古蹟第二十六

古權國城在內方山東南與那口城皆本縣之故土  
那口城在權國城東

麥城在縣東南五十里夾沮漳二水傳楚昭王築關侯  
為呂蒙所襲走此

驢城在縣東南五十餘里亦夾沮漳二水

磨城與驢城對隔沮水傳二城伍子胥築以攻麥城者  
諺云東驢西磨麥城自破

當陽縣志



卷之五

〇一

糜城在縣東南六十里地名八渠傳蜀將糜芳守江陵  
時築

方城在縣東南一百二十里本名方城嚮傳唐郭子儀  
築文傳是高氏所築宋末荆湖制軍使趙方嘗立荆

門東西山堡因繕此城子葵復鎮荆湖避父諱改今

名攷郭子儀討安慶緒圍相州引漳水灌城乃襄陽  
之境襄陽間有古方城此蓋因城名偶同亦近漳

水北潯州  
方城

東城在縣東一百四十里今州城東即縣之故城見水

五代高氏曾移荆門軍於古城元至元間移荆門  
府於古城皆信此



古綠麻縣城在縣東北一百二十里綠麻山土基尚存

宋呂文煥都統是居詭築即今沙洋地。按高氏曾於此築堤亘一百三十里抵潛江捍漢水

荆臺縣故城在縣東六十里今有荆臺

故荆門軍高季昌僭稱南平王改縣為軍治方城又徙

於古城按季昌嘗於當陽荆門之南設貢院宋紹興間復試生於此知荆門軍吳興業築於城西

北隔得武庫地撤而新之為屋七十四楹規制甲於他邑今練樹店下高廟則季昌廟也

洗耳溪在許由山下相傳許由隱此泉

三家市即古三戶津在縣東柘林灘舊有雙忠祠詳典祀

太子岡在縣北四里元文宗為太子時駐驛所也百官進食皆不受惟啜一茶克學詩云

當陽縣志 卷之五 〇二

王輅金根駐此岡一厄鳳隨進霞觴豈知四十餘年後老樹殘蟬送夕陽

三公臺在城西南明萬曆間中丞趙賢守藩王煥巡集

當陽坂即長坂張翼德橫矛處詳事紀 淬劍池 昭溪港 胥寓港

綠林山 仲宣樓 白蓮池 白社 丹井 寒亭

乳窟 七里松 樊夫人昇仙處 唐子方讀書臺

胡文定書院已上互見山川寺觀 北山書院在沮河北朱震朱

時習館侯師聖讀書處今文昌閣地 四賢堂詳典 袁中郎兄

弟讀書處在玉泉紫紫菴創有松桂菴堆藍亭爽籟亭俱在菴後鑿小洞曰幻

霞尚存 邵子明李安期碑 張說碑 唐賢詩碣



吳道子觀音像碑 鏡鼎 鏡塔 鏡釜 鏡鍾

雲板 龍眉龍角 別部司馬印 壽亭侯印已上俱詳

寺 王泉

論曰稽古度務政之經也匪第一方事也邑古蹟列載詳矣復錄焉備覽也夫蹟曰古攷所從也山川罷邑之名古今舛駁者多矣為是邑之古物也者雖述必稽不為是邑之古物也者雖著必割示信也後之君子守其土思其朔因而張弛之資於政九州皆狀故曰匪第一方事也

當陽縣志 卷之五

丘墓第二十七

楚昭王墓在縣南八十里 詳事紀

楚三王墓在湮沉湖側今未詳所在 今兩河口栢木港花栗園諸處皆傳

有華表出地尺餘崇禎元年土橋寺耕夫偶啟一壙見墓門扁閉云大抵楚自遷郢而後此地必多貴戚之家不必皆王又近於蓋山有高氏暗冢七

荆王墓在黃泥岡 按漢唐宋封荆王者三而漢荆王賈實居淮東宋荆王元儼未嘗之國惟

唐荆王元景高祖莫嬪子貞觀十年徙封荆尋為荆州都督有惠政後以罪誅此或其墓也一云是楚之先王岡上舊有楚莊王廟

關壯繆墓在縣西五里地名章鄉 明成化三年知縣黃恕奏請春秋祀



胡光祿墓在縣北二十里苦竹溪荆門舊志胡文定父名淵字澤之文定為

蔡京所惡退居漳濱迎父就養卒葬於此後贈光祿大夫云而省志則云淵仕光祿皆不知何據今衡山

亦有胡淵墓又訛為文定公墓

胡文定墓在縣北十五里龍泉上荆門舊志文定卒葬龍泉山三子寅宏寧

俱貫荆門乃湘潭亦有胡文定墓而省志云寧後徙湖南卒於湘潭豈湖南諸墓乃公諸子之寔耶○明

成化三年知縣黃恕奏請春秋祀○按舊志墓祠即公舊居後為書院環墓古松合抱者尚存四十三株

幹廉使墓在縣西十五里題云山南江北道肅政廉防

使幹公之墓

聶知州墓在縣西十五里玉泉東題云荆門州兼勸農

當陽縣志



卷之五

○四

事聶公之墓聶公名炳字韞夫江夏人元至正間守

荆門州南半載淮漢賊起荆門不守公出募土兵復

荆門江陵未幾賊復來攻公晝夜血戰死於黃沙舖

葬焉

樊妃冢在縣北二十里古塚累累土人呼為樊妃十二

陵云按唐張曲江詩序云郢城西北有大古冢數十觀其封域多是楚時諸王而年代久遠不可復

識唯直西有樊妃塚因後人為植松柏故行路盡知之今一統志載妃塚在安陸府城西而載郢城在荆

州府城東北三里若以荆之郢城論則邑正在其前西而安陸府實在其東南去郢城甚遠且曲江往海

邑中玉泉紫蓋間詩章叠見距今之所謂妃塚者十餘里而序中行路盡知之語又與今土人呼相符



別疑邑塚較與  
姑記於此

義塚在西門外

論曰楚昭失國踰谿毒及先骨可謂辱矣比其卒也  
寧死不敢移穴於其臣不敢矯舉於非祀夫子聞而  
嘉之曰是知天道矣其不失國也宜哉此一言也楚  
昭於是乎不朽矣是以君子慎晚節焉至於精光凜  
烈千載如生甚且殘立斷壘爭相取重於千百年之  
後惟恐不隸於其土若是則雍門之悲牛山之涕夫  
豈足以動志士之顏也哉

當陽縣志



卷之五

〇五

寺觀第二十八

報恩寺在縣南一里明洪武十三年僧圓讓建內設僧  
會司寺有山水林木之勝為邑中諸刹之冠總持閣  
燬邑紳汪士傑助修僧德愚募正殿圮

大清康熙五年知縣門可榮重修

寺主山名萬壽山  
係祝禧處

玉泉寺在縣西三十里隋開皇初詔為智者禪師建賜  
寺額時智者為晉王尊禮人競施捨層臺複殿規制  
甚麗中有玉泉縈繞唐神秀禪師增修真觀中僧法  
瑱夾道植松萬株宋天禧末明肅皇后重建別構行



宮賜常住田今茅瓦自是峭壁懸屋亭觀相望為荆  
楚叢林之首紹興中兵燹僧璉重修端平甲午又燬  
元世祖丁丑僧珍重修至正丁酉又燬明成化中僧  
廣鎮重建尋圯萬曆三十年慈聖太后賜千金給僧  
正誨重建正殿崇禎十五年荊州惠藩施三百金給  
蜀僧海福聖葺正殿明季浸為虎穴人跡罕到福年  
七十許復薙荆榛斧柯不釋手者數載

國朝順治五年守巡道石鳳臺李正茂行部經玉泉憐  
其苦示免里役自是義旻繼之本赤繼之梵唄鼓復

當陽縣志

卷之五

○六

起福之功居多云按智公自天台歸荊州過當陽望  
沮漳山色堆藍欲卜青谿建道場嫌地隘步至金龍  
池上趺坐入定見一人前致敬曰予即關某死有餘  
烈故王此山禪師何枉神足師曰欲於此地建道場  
爾神曰此去一舍山如覆船其土深厚弟子願與子  
平建寺願安禪七日以須其成師既出定見湫潭千  
丈化為平址棟宇煥麗巧奪人目關公即受五戒故  
依稱弟子時以事出神異奏上隋主勅賜名玉泉寺  
玉泉正殿左為韋馱殿闔邑修千光堂僧本赤重修



大悲閣彞鎮金萬鎰修僧寂聰募邑紳粟引之邑  
汪鴻胤共施田五十畝粟引之又施田二十六畝付  
東禪堂以供四方行脚其糧俱載粟戶未入寺籍又  
縣民左應登施田五石報恩寺道亨施田三石亦在  
東禪堂糧載本寺冊 禪堂智者講經臺般舟堂  
勅書棟鍾鼓樓今廢

正殿右為十方堂藏經閣即來青閣明萬曆間邑人任  
乘舟建仍寘田十餘畝以供行脚 文殊樓湖南道  
朱廷案修 伽藍殿彞鎮副將華承恩修 傳燈樓

當陽縣志



卷之五

〇七

知縣門可榮修俱僧寂崇募海福募金贖寺田一分  
退居觀音閣僧寂襟募修 柴紫菴南堂曰爭名明  
公安吏部袁中

道建祀諸護法居士者中為維摩詰左為閻侯右為  
太史袁宗道黃輝雷思霽吏部袁宏道諸公

正殿後為毘盧殿湖南道張登雲修僧寂聰募 觀音殿今廢

正殿前為彌勒殿僧海福重修性闔造像

行宮梳粧樓在寺前宋明肅皇后徵時經此及為后勅  
建此宮今遺址短垣尚存 黎巽有詩

嶽歸菴陶者菴即北菴俱廢普通塔院僧寂聰募造

顯烈廟在寺東里許唐貞元節度使裴玢重建明嘉靖



中寺...重建橋榭萬曆間知縣胡朝修廟  
後三義殿

大清康熙二年彞鎮副將賈從詰修僧照賢墓廟址覆  
山脊石脈亘其中削之復隆起凭欄眺望堆藍勝處  
盡在目中

宋勅修傳燈錄處在智者洞前溪之北天禧末命翰林  
學士宋綬宋祁與僧道原等修集顯秀以來諸僧錄  
成命曰景德傳燈錄

寒亭在智者洞左菩提菴古木蕭森亭下有溪景色幽

當陽縣志 卷之五 〇八

絕宋人詩話云荆門軍王象山寒亭過客多題詩或  
謂亭名翠寒

唐賢詩碣碑亭宋慶曆間荆門軍守曲臺謝公錄唐人  
王象詩八篇大理評事張田為之序元至大間寺僧  
廣鑄昇回本寺碑亭圮

大清康熙四年邑紳楊州彥劉鴻儒梁山金粟引之修  
印子明李安期二碑今失

吳道子觀音碑高七尺今稍蝕  
藏鼎在殿前重三千斤隋大業十一年造



石碑一張說文盧藏用八分書

初塔地久沒民間明邑人胡如松復之

一音寺去寺北五里巖巖有寺亦智者道場今廢土人呼為音寺巖

龍興寺在寺南二十里久割入夔陵

大雲寺在玉泉之南舊有大雲寺今南菴是其遺址元鐘鐫有大雲庄即真公蘭若

大清康熙六年僧寂輝募建

蓮花寺去玉泉西十餘里相傳智者時陸地生蓮故建

宋元寺燬而田存以名庄觀元今并田亦失矣以名

當陽縣志



卷之五

〇十

坪

斗山寺在布視塔院之旁墻址石礎尚存形如斗沮水

環流於前佛耳峙巖於右亦勝地也王泉別院止此

玉泉八景

珠泉跳玉 鐵塔棲金 粧臺鏡月 溪水湛天

知識禪關 磨賢碑碣 郵亭夕照 畫閣朝陽

寺本淨土而等於郵轉僧徒續食蓮臺禪於馬棧香積化為屠場明胡尹朝嘗別為館舍制甚周後胡尹如川華之以吏役領其事至清古道荆棘康熙間西征車馬加織大官供具皆素復多所捐資天為古今之不相

碑云



龍泉寺在縣北十五里晉孝武時慧遠法師道場元皇

慶元年僧惠燈重建明詔萬壽戒師月溪和尚主之

寺有鉄碑一今失其常住田供寺香火及文定祠春秋燕享之需

清溪寺在縣北四十里碑云晉遠法師倡道之所後兵

燹明末樂乙未僧了重建正統二年僧智念復建別

構朝陽菴於寺北天順二年僧惠旻請於朝勅賜寺

額勅書今失古有白蓮池晉大元間遠公至此掬水以浴俄白蓮開敷水面因名又名白社劉巽有詩

祥雲寺在縣北四十里香爐山元至正間建今廢

普濟寺在縣北六十里三牛嶺山水奇秀明永樂間秀

當陽縣志 卷之五 〇十一

峰禪師結菴於上正統七年僧福海改為寺今圯

紫蓋寺在縣南六十里唐貞元十四年天皇悟禪師建

後兵燹明末樂二年僧勝議重建 詳山川

觀音寺在縣東南五十里合洛市古刹也地舊名洋子

山明洪武初僧繼清正統間僧鈔超成化丙午僧術

昂嘉靖乙酉相繼修建寺有雲版一元至正元年造

聖水寺在縣東南三十里寺前有石洞名聖母歲旱居

民取水祈雨多應唐德宗為道明禪師建久廢明永

樂間僧鈔道復建寺於絕巘俯顧四圍峯巒獻秀殆



幽勝處

郝母寺在縣東四十里元延祐七年廣福禪師建

雲披寺在縣東三十五里

三星寺在縣東六十里元至正元年僧道琳重建詳山

圓通寺在縣北五十里明宣德二年僧了能建

洪山寺在縣南三十里

普通寺在縣南七十里

慈化寺在縣東南三十里唐黃龍祖師開建明萬曆開

邑紳汪錄庠生汪若濤重建前環港水外帶沮河古

當陽縣志

卷之五

〇十二

荆之勝者

紫荆寺在縣南六十里明永樂十三年勝義禪師重建

富里寺在縣東南五十里

五印菴在城北明天啟間邑孝廉栗聯芳建姪栗引之重修

潮音菴在城北隄層峯拱列林木清映郭外一勝槩也

七寶菴在城北明崇禎間邑庠張清川建今廢

仰善菴在城南邑紳汪錄建今廢

三慧菴在縣南六十里明天啟間邑庠汪宗洪建

玉陽觀在玉陽山岡有五虛閣玉母祠明崇禎己巳主



簿王家棟重建正殿天啟三年典文郭紹椿重建  
永興觀在縣東街唐元和中創宋端平間廢明天順三  
年道士曾習鉉改東門外正殿祀

大清康熙四年住持僧來金募修又捐資重新神像  
後觀在南門外今廢

紫蓋觀在縣南花陂荆南記云有金牛每日晦輒出光  
照一方

紫金觀在縣北四十里方山 詳山川

紫霞觀在縣東六十里圓臺山 詳山川

當陽縣志  卷之五 ○十三

大魁閣在學宮左明天啟間知縣胡如川建崇禎庚午

邑庠梁燿汪士傑等重修燬

國朝順治間知縣徐天慶許毓仁修復

文昌閣在玉陽山麓知縣胡如川建今燬

三元閣在東門外知縣胡如川建額曰東壁昌運城東  
稍曠故於合水之處建此以固風氣云今廢

玉津閣在北關明崇禎間典史張啟明建今廢

論曰寺觀者山川之符目靈秀之表章所以萃時人  
廣道術歷代以來莫之廢也雖復神臬天宅固亦琳



洞花臺參差掩映其在山水之間可知也九轉成而  
丹竈冷三笑絕而白蓮荒滄塵劫火不必千年鬼工  
僊谷未多覲也王泉不借壯繆龍泉不依文定則二  
刹廢久矣雖狀品泉選石騷人狂客之所有事爾乃  
若市門可以巢僊屠場可以證果則又何必攀松結  
桂展衣飛錫之爲後後耶噫此盧生所以入海無得  
而深公所以買山見譏也

禪宗第二十九

晉慧遠雁門樓煩人姓賈氏師事釋道安石勒將亂安

當陽縣志

卷之五

〇十四

與師四石餘人渡襄陽襄陽陷振錫南遊嘗倡道於  
邕之廣福山今涪溪寺龍泉寺皆其道場後結宇廬  
山六十後不復出八十三歲終

隋智者名顓姓陳氏潁川人或曰荊州茅總里人幼祝  
髮從師南嶽誦法華經有悟遊天臺謁定光禪師留  
佛隴山陳宣帝詔割始豐縣調給師少帝詔師至金  
陵居光宅寺隋晉王廣迎師維揚執弟子禮旣克金  
陵師因西上止於玉泉山廣奏請立寺尋還天台臨  
終謂其徒曰莊嚴淨土易往無人火車相毀猶得往



生况戒定慧力言訖唱三寶而逝建寺三十六所  
曰棲霞靈巖玉泉國清乃天下四絕云

唐弘景玉泉寺僧懷讓惠真皆師之詔居京師主法席  
後偕道俊還山中宗命朝士賦詩餞別

神秀河南尉氏人姓李氏少爲諸生遊學江表博綜  
多聞年五十受具於東都天宮寺開法於蘄州忍大  
師服勤六年忍嘆曰吾度人多矣圓解妙悟無如秀  
者東山之法盡在秀矣儀鳳中隸玉泉寺結廬於寺  
之東曰度門天后詔至都師老許肩輿上殿命於舊

當陽縣志

卷之五

〇十五

山真度門寺中宗即位尤加禮重神龍二年終於天  
宮寺壽百餘歲謚大通勅歸葬楞伽峯之麓張說撰  
碑存

懷讓六祖能禪師之首座也姓杜氏金州人年十歲  
樂佛書時有三藏鉉靜過舍告其父母曰此子若出  
家必獲上乘垂拱三年辭親來玉泉寺依弘景律師  
通天二年詣曹溪謁六祖侍左右一十五年天寶三  
年寂於衡山般若寺謚大慧

惠真南陽人號蘭若和尚坊州刺史張大禮之子兒



時每啼聞誦經則上十三受具於西京開業寺事僧  
滿意時玉泉僧弘景居京師表請京輔名僧十四人  
同往南泉以真為首真居南泉三十年中宗聞其名  
欲召之弘景啟曰此人遙敬則可願上勿強也僧一  
行自嵩山來師事真及奉詔泣辭曰弟子於和尙法  
中痛無少分天寶十年卒年七十九刑部侍郎韋處  
舟護其喪葬於西岩賜諡大慧  
攷南泉在玉泉之南  
今南菴是其遺址按  
懷讓已諡大慧而真碑又云一行亦諡大慧是同時  
有三大慧也

一行內黃人張公瑾孫幼穎異善記覽尤精曆象尋

當陽縣志

卷之五

○十一

為僧隱於嵩山師事沙門普寂後住當陽山依悟真  
習梵律開元五年鉉宗強起之敕考正前代曆法造  
開元大衍曆十五年卒年四十五師少時從道士尹  
崇借揚雄太鉉經數日還之崇疑其不解師曰已究  
其義矣因出所撰大衍鉉圖示崇崇大驚及被召鉉  
宗以宮人籍試之一覽記憶無遺鉉宗呼為聖人初  
漢洛下閎造曆云後八百歲當差一日必有聖人正  
之至是師果正其謬云

法常襄陽人姓鄭氏幼從師於邑之玉泉寺初參大



寂問如何是佛寂曰即心是佛師大悟遂之四明於  
子貞舊隱縛茆以處貞元中鹽官會下有僧採拄杖  
迷路至庵所問和尚在此多少時師曰祇見四山青  
又黃又問出山路向甚麼處去師曰隨流去僧歸舉  
似鹽官令招之師荅以偈曰摧殘枯木倚寒林幾度  
逢春不變心樵客遇之猶不顧郢人那得若追尋又  
云一池荷葉衣無盡數樹松花食有餘剛被世人知  
住處又移茅舍入深居一日聞鼯鼠較謂其徒曰即  
故物非他物汝等諸人善自護持吾今逝矣言訖示

滅

宋道悟本荊州天皇寺僧初居邑之紫紫山學徒嚮風  
裴均時官江陵問法勤至師坐而揖之裴愈加敬向  
元和丁亥四月示疾先期告逝至晦日大眾問疾師  
驀召典座座近前師曰會麼曰不會師拈梳子拋於  
地上遂寂塔於龍東

思達玉泉寺僧也僧問如何是一印印空師曰萬象  
收歸古鑑中曰如何是一印印水師曰秋蟾影落千  
江裏曰如何是一印印泥師曰細觀文彩未生時



慕容王泉寺僧宋明肅劉后益州華陽人少失父

通為都指揮與國中從征太原卒依舅龔美后善播鼓美以煖銀為

業攜后入京過寺師識其異厚遇之贈以金時真宗在東宮知客張耆引后入見悅而納之及正后位天禧末有詔召師時師已往長蘆辭且曰王泉無僧堂長蘆無山門詔修王泉寺賜額景德禪師建行宮於其側仍遣中使賜三千金真常住田賜龍眉龍角鎮寺因命官修景德傳燈錄寺之中興實由師也

承皓姓王氏王泉寺住持依大力院出家後遊方參

當陽縣志

卷之五

○十八

此塔發明心要得大自在三昧藥犢鼻褌書歷代祖師名字曰惟有文殊普賢較此子且書於帶上叢林目為布襯自焚粥稀後坐床窠先卧耳曠愛高聲眼昏宜字大冬至示衆曰畧運推移布襯赫赤莫怪不洗無來換替僧入室次狗子在室中師叱一聲狗便出去師曰狗却會你却不會師示寂門人圍繞師笑曰吾年八十一老死昇屍出兒郎齊着力一年三百六十日言畢而逝

宗璉王泉寺住持合州董氏子紹興間寺遭兵火師



修復請於有司重給田土

元鍾山名廣鑄玉泉寺住持皇慶初以壽亭侯印及龍眉龍角獻於朝勅旨護歸都城法侶咸賦詩餞送唐賢詩碑向蕪沒於荆門師請於州昇回本寺以補山中之闕文併以宋朝所賜寺田公據勒之石

明無跡名正誨邑人劉鐘子母李氏十歲祝髮於石寶山名永燈讀儒書多解義以不了梵咒故不之喜年二十見僧持緇門警訓者讀之泣下作偈曰善財與我原同性不証菩提誓不休遂詣荆南訪天柱和尚

當陽縣志

卷之五

〇十九

於普仰寺天柱噐而留之改名正誨居三年遍閱大藏柱沒乃游伏牛尋柱遺跡因之兩都登講席慈聖太后賜千金修玉泉寺請大藏貯寺中誨初不知度門所在天柱在普仰時曾口授北宗五十六字云在度門寺秀國師碑及誨自都歸省訪度門於玉泉東七里見古寺曰大通秀國師之塔碑在榛莽中棲狀修治因於塔前建復度門寺裏足養母專修淨土天啟六年正月先期告逝至期端坐說偈曰人間去住是尋常處處名山古道場一念不生三世佛誰能道



下可承當有僧問曰究竟名何誨以手拍案云究竟  
到彼岸遂迦塔於楞伽峯麓秀大師塔之旁著有八  
識略莊子註及詩文諸稿

論曰浮屠始於東漢梵呪譯於後秦蕭梁而教愈熾  
厥後南北分宗互相競勝君子不甚非之謂王法所  
不及糾者佛法或足以攝之也如晉慧遠分祖席於  
蓮社由豫而匡廬永嘉後禁足不復出陶劉諸公稱  
友善焉智顛受隋煬供養妙悟機警談辨如流東土  
十七祖顛尤雅好山水其時往來則有徐柳諸公唐

當陽縣志

卷之五

○二十

北秀屹狀兩京法主張燕公執弟子禮問法勤至此  
皆淨土之表表而未聞君子非之者咸藉勝茲邑香  
臺寶樹各盛一時遞續者豈塔帽戒衣遠稱的派耶  
昔昌黎崇儒以闢佛陽明氏借釋以詮儒理或相因  
事必有為嗟乎學佛老不善僅足以蠹貨財學孔氏  
不善乃至於蠹天下此禪宗所由紀也歟

儒籍第三十

漢葛鉉字孝先句容人稚川從祖也吳時居石門縣北  
二十里石室修煉遇視朋輒邀止折草刺樹以杯盛



之飲之皆旨酒取瓦礫草木之實勸客皆脯粢菜蔬  
邑之紫蓋山丹井存焉其上常有雲氣籠罩俗名攀  
倒井謂鉉初以丹試雞雞斃將焉器投井中頃雞化  
為鳳乃倒井以出之省志云是葛洪

晉張鷟喜字彥悅冀州人張華之族也永康中隨父任  
當陽棄俗修真南遊至寶慈觀仙去

梁胡伯女年十四有悟宋大通間遊當陽圓臺山築室  
環列羣書獨居七十年蛇解去

唐樊夫人劉綱之妻也綱為上虞令晚擢召鬼神禁制

當陽縣志

卷之五

〇二十一

變化事嘗與夫人較術卒不勝後偕仙去貞元中夫  
人遊湘潭隱姓字但稱湘媪正人舍十有餘載常以  
丹篆療人病後里人張洪棹媪之洞庭遇一道士始  
知其為樊夫人後於紫蓋飛昇祠尚存

司馬承禎字子微河內人亦曰天台人少事潘師正  
遍遊名山嘗修煉於內方山邑之三星山李白自序  
有云予昔於江陵見天台司馬子微是也則天開元  
間屢被召至京力請還天台後令築壇居王屋山年  
八十九卒弟子表稱卒時雙鶴白雲之異詔贈真一



先生至今內方山猶稱馬仙山云

按讀善金剪刀  
腦中有小兒誦經

敬玲玲如振王額上小  
日如錢耀射一席

王真公主字持盈唐睿宗之第九女初封崇昌縣主  
太極元年與姊西成公主俱請出家師事史崇鉉闕  
元初賜西成爲金仙主爲王真嘗修煉於邑之圓臺  
山今燦霞觀是其遺跡舊有陳宗遜碑今失  
曹何兩仙姑莫詳其始有洞在九子山麓山東南里  
許爲河北堰有人於暝旦時見兩女子浮舟堰中  
視之則鐵舟也俄入於水因祠姑山上

當陽縣志

卷之五

〇二十二

論曰嘗閱道藏醜字函卷三十有二中載古今真人  
列仙四百四十有七事多影響假借不可爲據漢武  
言世間豈有仙人蓋妖妄爾豈其狀乎邑仙蹟不多  
見存其已載者以備攷焉大都慧業文人骨性不常  
苟能致虛守靜陶然有得不言仙仙在其中矣魏野  
上王魏公詩其一端也何必排雲馭鶴始稱輕舉哉  
祥異第三十一

漢元康四年邑獲白虎威鳳

晉太安三年七月戊辰邑地裂三處廣三丈三尺有餘



步長

元泰定四年秋八月當陽地震

至元元年十二月芝草生於覆舟山一本五榦高尺有二寸一本二榦高五寸有半皆兩岐二本相依附瑰奇如珊瑚枝其高者結為華蓋慶雲之狀十二月朔荆門州以獻

明洪武十三年大水崩嚙万城縣治西北盡陷河中乃徙復舊治

弘治二年當陽旱四年又旱五年大旱

當陽縣志

卷之五

〇二十三

嘉靖五年旱

嘉靖十一年大水

嘉靖十八年旱

萬曆四十五年自四月至九月不雨飛蝗蔽天食苗稼殆盡其年大饑

崇禎二年旱三年復早有虎噬人獲之

崇禎六年地震龜山夜鳴山頂祖師殿木魚忽自開閣隨有陷城之變

崇禎十三年飛蝗蔽天民間產牛有一身兩頭兩尾



之異

崇禎十六年桃李冬花

國朝

順治四年五年虎狼遍山谷吞噬甚衆有村落無孑遺者

順治六年七月邑大水

順治十五年五月西山蛟起邑大水潰城西大堤十許丈沿岸屋瓦皆漂男女沒者甚衆是月有風自南來如山崩地震卷屋拔樹所過陂塘盡涸

當陽縣志

卷之五

〇二十四

順治十七年大旱無禾

康熙七年邑大水

論曰子產曰天道遠人道邇此言祥災有本也叩頭反風在長者自以為偶然虎渡河鱉不入境以身殉隄而水退若此者徃徃有之豈皆偶然耶則必有其本矣治如黃霸猶以神爵取容賢如王旦冠準不免唯諾於天書然則尼父作春秋書災不書祥豈無故哉

叢談第三十二

不見於史冊  
故列諸談



漢武帝時邑南有八龍五鳳見

後昭烈走長坂趙雲大戰曹兵獲一劍乃曹洪劍也切  
鐵如泥手刃曹兵數百人血濺草上至今草生猶有  
血點謠云當陽草點點班班如血掃借問明公何辜  
因子龍一戰旌旗倒

晉杜預嘗醉卧帳中人聞其嘔吐聲於戶外窺之但見  
一巨鱗垂頭而吐云

唐昭宗光化二年邑廨有劉文龍井井中有龍窠將雨  
輒有雲氣自中出忽一道士稱自嵩山來取井中龍

當陽縣志



卷之五

〇三十五

窠及草藥去其後邑令黃馴嘗繫馬於井旁或止之  
不以爲意至歲餘令及馬皆瞽

明洪武十三年旣徙縣治還舊其石城舊城磚石移修  
湘獻王府毀至北門忽有異蜂數十萬螫人爭射不  
止衆懼而罷或謂此乃高氏舊城其上有關侯廟神  
所憑云今北城門甍尚存

永樂辛卯元旦忽有三虎在沮河北逐之不知所往  
是科鄉榜李讓向志倪孝儒三人同登

萬曆丁卯方開學有一兔從樞星門躍出學諭吳瑞



云此科必卯生者中式及中聶武果辛卯生  
大通塔前地先年有謀侵者以火燬張說碑忽雷雨  
滅火懼而止又有人謀王泉寺常住田其夕夢赤面  
人大如山亦懼而止

玉泉山有獸狀如鹿上下陵谷如飛每鳴於澗谷則  
雨鳴於岡阜則有高軒過驗之不爽

萬曆乙卯玉泉紫菴老桂五月中忽放花一大枝  
一小枝寺僧折以報邑令令曰雙桂聯芳此科中式  
必粟生矣秋粟聯芳果中式明年公安孝廉袁中道

當陽縣志

卷之五

○二十六

登春榜此菴乃袁所建也

論曰宇宙內有不可不以理窮之者亦有不必以理  
窮之者不可不窮之而不窮焉則黑白淆矣不必窮  
之而必窮焉則函蓋隘矣狀惟不可不窮也而窮之  
不必窮也而不窮之此說之所以多也志之有餘也  
昉於國語國語者傳之餘也餘似可無錄譬則工作  
成而竹頭木屑在所棄矣狀不棄焉未始無一朝之  
用志之錄餘也亦或以此乎

當陽縣志卷之五終

